



Te Avae Tenuare 1954

TE HEHEURAA API



Eaha Te Tumu I Riro Ai Te Ihi'araa o Adamu Raua o Eva Ei Ohipa Fifi?

Uiraa 1. No to te Atua hinaaro ia noaa ia Adamu raua o Eva "te ite i te maitai e te ino" eaha ia te tumu i rahuibia'i te hotu o te raau i roto i te ô i Edene?

Pahonoraa. Ua riro te hi'araa o to tatou na tupuna matamua ei ohipa rahi na te Atuaraa. Area ra, e ere ia te reira i te ohipa api no te mea ua ravehia te reira huru ohipa i nia i te tahi atu a mau ao. Noa'tura i te reira ua riro te reira ei ohipa fifi roa, e ua hinaaro ihoa te Atuaraa ia taahi ihoa to tatou na tupuna matamua i te taahiraa matamua na roto i to raua iho hinaaro e ia mairi rana i roto i te hoê oraraa tahuti noa.

Uiraa 2. I te hi'oraa a te Atua, eaha ia te huru mau o te fifi tei vai i roto i te hi'araa?

Pahonoraa I te matamua roa, aita te Metua i hinaaro ia tupu te hi'araa no roto i Ta'na atoa ra raveraa. Oia mau, aita roa Oia i hinaaro ia tupu te reira na roto i To'na ra hinaaro, ia tupu ra na roto i te hinaaro o Adamu raua o Eva iho.

Uiraa 3. E riro anei teie oraraa piti nei ei fifi rahi no te taata nei?

*Paho**Uiraa**Pahon*

Pahonoraa Te tumu te Metua i ore ai i hinaaro ia riro Oia ei tufaa i roto i te hi'araa o teie ia, ua ite Oia e, e riro te hi'araa ei fifi rahi roa no te pae rahi o Ta'na ra mau tamarii varua ra. E mea iti to ratou te ite i te auraa mau o te Atuaraa e te hanahana, area, no te rahiraa ra, aita'tu ia e mea maori ra te faataaraa ia ratou no te hoê o te mau hanahana huru iti ei reira ratou e farii ai i te mau haamaitairaa e au ia ratou e e ore roa hoi ratou e ite e e farii i te parahiraa i mua i te aro o te Metua ra.

Te na ô maira te parau papai no ratou, te ore e faa i maitai i te piti o te oraraa: "I te vahi te reira te Atua e te Mesia i te parahiraa, aita roa ia ratou e tae i reira, te mau ao hopea ore." (Buka Efau 76:109-112, e a hi'o atoa i te irava 77.

Uiraa 4. E mea nahea to Satane tamataraa i te rave i taua mau fifi ra ei mauhaa na'na i roto i te ao varua ra?

Pahonoraa No to te Atua iteraa i taua fifi rahi ra i tuu ai Oia i ta'na opuaraa i mua i te aro o te mau varua i te ao varua ra, ia tia ia ratou ia maiti i te mea ta ratou i hinaaro. E no te rahi o te fifi e vai ra i mua ra, ua mata'u te torn o te tufaa o te mau varua ia haere i mua. Ua rahi roa te fifi

HISTORIAN'S OFFICE LIBRARY

The Church of Jesus Christ of Latter-day Saints

18202



no te raveraa i taua tufaa ohipa ra. No reira ua vitiviti roa o Satane i te titaauraa ia ratou i pihaiho ia'na ra no te paturaa i te hoê opuaraa aita roa e fifi i roto ra. Ua tuu mai oia i te mana'o e, e faaorahia te mau varua atoa na roto i te faaheporaa ia ratou, i roto i te piti o te oraraa, ia haapao i te mau ture atoa o te ao varua ra. Buka Poe Tao'a Rahi, Mose 4:3 I roto i ta'na opuaraa, ua ite mau oia e, e faaorehia te tiamaraa o te taata - o te ture tumu te reira o tei faatere i te mau ao atoa ra. (Buka Fafau 93:30) Area ua imi oia i te otoheraa ma te parau e, te na reira ra oia no te maitai o te taata.

Uiraa 5. E papu anei te Fatu e "haapao ihoa" o Adamu raua o Eva i to raua iho hinaaro, eiaha ra To'na ra, maori ra ia rave raua i te ohipa ma te patoi atu i To'na ra hinaaro mau?

Pahonora No te reira mau tumu, tei faaitohia i mua a'enei ra, i hinaaro ai Oia ia faatupu o Adamu raua o Eva - ei i roto i to raua tiaraa mono no tatou i te hi'araa, na roto i to raua iho raveraa ia ore ia tia ia tatou, i muri iho, ia parau e ua riro te hi'araa ei hape na te Fatu, eiaha ra ei hape no tatou iho.

Uiraa 6. Ua ite anei o Adamu raua o Eva e mea nahea te hi'araa i te faatupuhia?

*Pahon**Uiraa**Pahon**Uiraa**Pahon**Uiraa**Pahon*

Pahonoraa Aita roa raua i ite e, e mea nahea to te Fatu faatupuraa i te hi'araa.

Uiraa 7. Ua itehia anei e, ua ite raua e tupu te Hi'araa?

Pahonoraa Ua ite ihoa raua e, e faatupu mau hia te reira, area ua mana'o raua e na te Fatu e faatupu i te reira, na roto i Ta'na iho raveraa, e ia tae i te taima mau. Aita roa ra o Adamu, raua o Eva, i ite e, e faatupu raua i te Hi'araa,

Uiraa 8. Te vai ra anei te tahi mau mea tei faaite mai i te "vahi" mau i tuuhia'i e te Atua te raau "no te ite i te maitai e te ino ra"?

Pahonoraa Ua tuu atura te Atua i te raau e faahotu mai i te maa "e ite ai i te maitai e te ino i ropu mau i te ô, i te vahi e ite-maitai-hia'i e te ohie hoi ia rave." (Buka Poe Tao'a rahi, Mose 4:9)

Uiraa 9. I to outou mana'oraa, eaha ia te mea tei faatupu i roto ia Satane te mana'o ia parau e, "te hinaaro ra oia ia haamou i teie nei ao"?

Pahonoraa Mai te mea ra e, aita i taa maitai ia Satane te tumu oia i tuuhia-mai-ai i nia i te ao nei, e mana'o ihora oia e, e riro te reira ei ravea na'na no te faaite atu i to'na hauraa'tu i nia ia Iehova o tei fariihia te raveraa, eiaha ra ta'na. No reira te parau papai i faaite mai ai, "tamata ihora oia i te haamou i teie nei ao." (Buka Poe Tao'a



Rahi, Mose 4:6)

Uiraa 10. Ua ite anei o Satane i te mau mana'o o te Atua ia tia ia'na ia rave i te ohipa, no te patoiraa i te mau opuaraa a te Fatu no te maitai o te taata nei?

Pahonoraa Ua faaoti oia i roto ia'na e, e rave oia i te mau mea atoa no te haamou, no te patoi, te vavahi e te faaino, oia hoi, te faaoreraa i te ohipa maitai ta Iehova i opua i te rave. Area te na ô atoa maira te parau papai e, "Aita roa oia i ite i te mau mana'o o te Atua." (Buka Poe Taao Rahi, Mose 4:6) no reira aita roa oia i ite e, ua riro ta'na mau ohipa haamouraa ei tumu no te faatupuraa i te mau ohipa ta Iehova i feruri no te faaotiraa i Ta'na opuaraa ora no te taata nei.

Uiraa 11. Ua haavare anei te ophi a faahema'i oia ia'na ra?

Pahonoraa Aita. Ua parau ra oia i te mau parau atoa tei tuhia, "i roto i to'na aau e Satane. (Mose 4:6)

Uiraa 12. Eaha ra te parau tei hau atu i te puai i te faatupuraa i te hinaaro, i roto ia Eva, ia amu i te raau i rahuihia ra?

Pahonoraa Te parau ra, "Eita raua e pohe," no te mea te reira ia te parau ta Satane i rave no te faahema'tu i te ophi, oia hoi: "Ua ite te Atua e, i te taima orua e amu ai i taua hotu ra, e araara ia to orua na mata, e e riro ia orua mai te Atua te

Uiraa

Paho

Uiraa

Paho

huru, te ite i te maitai e te ino.” (Buka Poe Taoa Rahi, Mose 4:11) A hi’o maitai na i te huru parau a te ophi, oia hoi, te tumu te Atua i opani ai ia raua ia amu i taua hotu ra, no te mea e riro ia raua “mai te Atua i te huru”, e na te reira i faatupu i roto i te mana’o o Eva e, te tamata nei te Atua i te tapea i te reira haamaitairaa na’na, eiaha ra raua ia farii atoa i te reira.

Uiraa 13 No te aha o Adamu i rave atoa’i i te maa i rahui hia ra?

Pahonoraa Aita’tu ta Adamu e ravea, maori ra, ia rave atoa i te maa i rahui hia ra, mai te mea eita oia e na reira, aita’tu ra e faufaa no te opuaraa a te Atua ia faaihia te fenua nei i te taata. No reira, ua rave o Eva i taua maa ra na roto i to’na ra faahemaraahia, area ra, ia Adamu ra, e mea e roa, ua amu oia i taua hotu ra ma te ite maitai i te mau mea atoa te tupu mai a muri atu.

Uiraa 14 Eaha te auraa i ta Paulo parau a parau ai oia e: “Aita o Adamu i haavarehia?”

Pahonoraa Ua na reira oia i te parau no te mea, ua ite oia e, ua rave o Adamu i taua maa ra ma te ite maitai i ta’na e rave ra, area ra, o Eva ra, ua vare ia oia i te parau a te ophi.

Iakobo E Esau

(Genese 25)

Na roto i to raua ra faaipoiporaa ua roaa maira ia Isaaka e Rebeka te hoê orana maitai, e te faahiahia atoa hoi, a tiahapa noa ai raua i roto i te hoê fare ie. I muri mai, e no te faatiaraa i te mau parau tohu, ua fanau maira raua e toopiti na tamaiti o tei riro ei na maehaa, e ua topahia to raua na i'oa o Esau e Iakobo. Ia tae a'era i to Esau paariraa, ua au to'na ra iri, i te ahū huruhuru, e taata haharu animala ta'na ohipa, e ua faaamu ihora i to'na utuafare i te mau animala atoa ta'na i haru ra na roto i to'na ra mau tere. Area o Iakobo ra, ua riro ia oia ei taata faaapu mamoe, mai to'na atoa ra mau metua, e ua tiahapa atoa oia i roto i te hoê fare ie.

Te here ra Isaaka i ta'na tamaiti ia Esau na roto i to'na ite rahi i te ohipa ravaa'i animala, e na roto atoa hoi i te faatupuraa i te mana'o oaoa, ia'na i afai atu ai i to'na ra utuafare i te mau animala ta'na i haru ra, ei maa na ratou. Area Rebeka ra, ua hau ia to'na here ia Iakobo, mai te haamana'o atoa hoi i te parau a te Fatu i mutaa ihora na roto i te fanauraa o taua na tamaiti na'na nei ei metua no te hoê tau na nunaa rahi. Area i roto atoa i taua parau na'na ra, ua faaite atoa maira te Fatu e riro ia te matahiapo i te riro atu i to'na ra teina. E no reira, aita roa hoi i aramoinahia ia Rebeka, te vai ra te mahana e riro ai o Iakobo ei taata faufaa a'e ia Esau i mua i te aro o te Atua.

No reira peneia'e paha Rebeka i te faaite atu ia Iakobo i teie mau faanahoraa ia tia hoi ia'na ia farii i te mau haamaitairaa o Esau na roto i to'na ra tufaa matahiapo. I

taua
faufa
heraa

utuaf
Ani r
atura
reira,
eaha
taua
hiapo
na Es
e mat

mau t
ia'na
hoi oi
huru,
e ana

ra ora
e toop
maiti
ma te

raura
horoa
tei ho
hoi, u

taua mau mahana ra, ua riro ia te matahiapo ei fatu i te mau faufaa e ei aratai atoa hoi i te utuafaare i muri mai i te poheraa o te metua tane.

E ia tae a'era i te hoê mahana, ua hoi maira Esau i te utuafare, e ua rohirohi roa oia, e ua pohe atoa hoi i te poia. Ani maira oia ia Iakobo i te maa ta'na i tunu ra, pahono atura Iakobo, "E ho mai oe ia'u i to tufaa matahiapo, "i reira, ua na ô maira Esau, "Inaha, ua fatata vau i te pohe; eaha hoi ta'u faufaa i teie nei tufaa matahiapo." Na roto i taua parau na'na ra, ua ho atura oia i to'na ra tiaraa matahiapo, ia Iakobo. I reira, ua horoa'tura Iakobo i taua maa na Esau, amu ihora oia ma te oaoa. Area Esau ra, aita ia oia e mau faahou i tana tufaa matahiapo ra.

I to Isaaka ruauraa ua po roa to'na ra mata. I te mau taime oia a pii atu ai i ta'na ra na tamaiti ia haere mai ia'na ra, ua fafa noa ihora oia i to raua na rima. Te taa ra hoi oia e o Esau to mua ia'na na roto i to'na ra rima huruhuru, e Iakobo to mua na roto i te rima moremore i fafahia e ana ra.

E ia roaa maira ia'na te iteraa e te poto maira to'na ra oraraa, opua ihora oia i te haamaitai i ta'na ra na tamaiti e toopiti. E ia pii a'era oia ia Esau te matahiapo o na tamaiti ra, ua ui atura oia ia afaihia mai te tahi maa na'na, ma te tapu atu hoi e haamaitai oia ia Esau.

Area Rebeka ra, te faaroo noa ra ia oia i te parapauraa i tupu i rotopu ia Isaaka e Esau, e ma te riaria o tei horoa atu o Isaaka i te haamaitairaa matahiapo no Esau, o tei hoo atu i taua tiaraa no'na ra ia Iakobo. I reira atoa hoi, ua haamana'o ihora oia i te parau tohu a te Fatu o tei



faataehia mai na mua i te fanauraahia o tana na tamaiti nei, e i te na ô raa e, e riro te matahiapo o na tamaiti i te riro atu i muri iho i to'na ra teina, oia hoi o Iakobo.

E no te faaoreraa i te fifi o ta teie nei metua tane e rave nei, na roto i te horoaraa'tu i te haamaitairaa mau i te tamaiti o tei ore i faataahia, ua pii atura teie nei metua vahine ia Iakobo ma te faaite atoa'tu i te mau opuaraa a to'na ra metua tane. Ua faacomo atura oia ia Iakobo i te hoê o to Esau ra mau ahu ma te tapoi atoa hoi i to'na ra na rima i te iri o te hoê mamoe ia tia hoi ia'na na roto i te fafaraa ia riro mai ia Esau te huru. I reira atoa, ua horoa'tura oia i te hoê maa maitai no te afairaa'tu na Isaaka, o te tia i tamau noa ra ia Esau e te maa hoi o ta'na i tii na roto i to'na ra tere.

Na muri rii a'e i to Isaaka amuraa i te maa o ta Iakobo i afai atu, mai roto mai i te fare tutu a to'na ra metua vahine, ua pii maira oia ia Iakobo ia haere mai i pibaiho ia'na, e ua fafa atura i to'na ra rima o tei tapoibia i te iri mamoe. Mana'o ihora oia o Esau tera, e ua haamaitai maira oia ia Iakobo a mana'o noa ai o Esau ia, o tei riro atoa mai te mau haamaitairaa o to tatou mau Petereareha o teie nei mau mahana.

I muri mai, e na roto i to Esau hoiraa mai, ua haamaitai atoa'tu ra Isaaka ia'na ra, area te haamaitairaa rahi ra na riro ia ia Iakobo. Mai tana taime ra, feii ihora oia i to'na ra teina o Iakobo no to'na fariiraa i te haamaitairaa rahi, oia hoi te haamaitairaa o te matahiapo, o te haamaitairaa rahi roa a'e. E ua vai noa a te feii e te mana'o ino i roto i to'na ra aau, e ua opua ihora oia ia taparahi ia Iakobo.

Te l

raa ta
tei pa
tiahap
ratou
i te m
ei fifine atu
Area
tamar
ua fer
e no r
au nei
ia'u ntamari
noa-hi
reira.
hia ra
rona,te pot
naaro
maiti i
atoa te
mo'a e

Te Parau No Te Faaipoiporaa No Isaaka E Rebeka.

Na roto i to Aberahama ma faarueraa i to ratou faaea-raa tahito, ua tiahapa atura ratou i roto i te hoê vahi api o tei parauhia Heberona no te tufaa fenua no Kanaana. A tiahapa ai ratou i reira, ua tae maira te hoê peapea rahi ia ratou ra. Inaha, ua tupuhia o Sara te vahine o Aberahama, i te ma'i, e ua pohe roa oia i taua fenua ra. Ua riro atoa teie ei fifi na ratou, no te mea, tei roto ia ratou i te hoê fenua êê.

Ma te oto rahi, ua tia maira Aberahama, e ua faainei-ne atura hoi i te man ohipa no te tanuraa o ta'na ra vahine. Area ra, to'na mau taata tupu i roto i taua oire ra, ei mau tamarii ana'e ratou na Heta. A haere atu ai oia ia ratou ra, ua feruri ihora e, e taata api au nei i rotopu i teie nei feia, e no reira, a tae atu ai oia ra, ua na ô atura, "E taata api au nei i rotopu ia outou na, a hoo mai na i te hoê menema ia'u nei ia tia hoi ia'u ia tanu i ta'u nei taata pohe.

I taua taima ra, ua puta maira te aroha o taua mau tamarii ia Aberahama e, ua parau atura hoi ia'na, e horoa-noa-hia te hoê fenua ei menema, e aita hoi e moni no te reira. Aita ra o Aberahama i hinaaro i te menema tarahu-hia ra, no reira, ua hoo mai oia i te hoê ana i te aua Ephe-rona, ei menema no ta'na ra vahine.

Ua ruau roa atoa hoi o Aberahama, e te ite atoa ra i te pоторaa o te oraraa e mauhia e ana. Area ra, to'na hi-naaro rahi hou to'na poheraa ia ite mata atu i ta'na ra ta-maiti ia Isaaka i te faaipoiporaa. Mai tera mahana, oia atoa te mau tau atoa, ua riro te oroa faaipoiporaa ei oroa mo'a e ei oro'a faufaa rahi i mua i te Atua ra. Ua ite hoi



Aberahama, ia faaipoipo noa'tu ta'na ra tamaiti i te hoê vahine parau tia, o te tavini i te Atua ra, e riro te reira i te faatupu i te oaoa rahi i roto i to'na ra aau. Ua tohu pinepine noa mai hoi te Fatu ia Aberahama no nia i te hoê nunaa rahi, e aita'tu hoi e ravea, maori ra, ia haamatahia na roto ia Isaaka. Ahiri hoi Isaaka e faaipoipo noa'tu i te hoê vahine o tei ore e haamori i te Fatu e riro ihoa ia oia i te vai peapea noa. No reira, e mea titau-mau-hia ia faaipoipo-hia oia i te hoê vahine o te tiaturi ra i te Fatu mai ia'na atoa. Area ra, teie nunaa o te Fenua Kanaana, te vahi api o ta ratou e tiahapa nei, e mau taata faaroo paruparu ana'e ia. E ia hi'ohia ra te nunaa mau o Aberahama o tei noho atu i te fenua ra o Nahora, ei mau taata parantia ia, o tei tiaturi tamau i te Fatu. E mea tia a'e hoi ia Isaaka ia faaipoipo i te hoê vahine no reira.

Ua maiti o Aberahama i te hoê o to'na ra mau tavini, faaue atura ia'na ia haere atu i Nahora e ia imi mai i te hoê vahine maitai ia tia ia Isaaka ia faaipoipo. I reira, na horoa atoa'tu ra oia i te hoê taoa moni rahi ia tia ia'na ia horoa atu i te vahine o tei iteahia e ana ra. Mai tana taime ra, na haere atura tana tavini ra i to'na ra tere. E ohipa rahi hoi te faaauhia ia'na no te imiraa i te hoa no te tamaiti a to'na ra fatu. E na roto i te fifi rahi no to'na ra tere, ua mana'o ihora oia, aita atu e ravea oia e manuia ai maori ra, na roto i te tautururaa a te Fatu.

No reira, ua pure atura oia i te Fatu e i roto i ta'na pure, ua faaite atura oia i te Fatu e faaea noa oia i te hiti o te apoo pape ia tae mai te hoê potii nehenehe roa o te haere mai e huti i te pape. Ua parau atoa'tura oia i te Fatu, Inaha e tia'i an i te hiri o teie nei apoo pape, e teie nei, ia haere

noa m
ia'na
pape
van i
vahine
nei F

ra, ua
te pap
i te hi
te pita
ai i te
ma e f
pape e
"A in
I reir
raa, p
huti a
ra, ua

Abera
roto l
vahine
oia i t
na ha
anei n

Milek
outou
te faa
raham

noa mai te hoê paretenia e huti i te pape, e ia parau atu vau ia'na e, e ho mai na i te tahi maa pape na'u e inu i te farii pape na'oe na, e ia na ô mai oia ia'u e, a inu, e e huti atoa vau i te pape na te mau kamela na'oe; ia riro mau oia ei vahine o tei haapao-mau-hia e Oe na, na te tamaiti a to'u nei Fatu.

E na roto i ta'na ra tiairaa i te hiti o taua apoo pape ra, ua haere maira te hoê potii nehenehe no te hutiraa mai i te pape. E huaai atoa hoi oia na Nahora e ua haere mai oia i te hiti o taua apoo ra no te hutiraa i te pape no te faairaa i te pita o ta'na e hopoi ra i nia i to'na ra taponu, a hoi atu ai i te fare. I reira, ua horo atura taua tavini no Aberahama e farerei ia'na a parau atu ai "ho mai na i te tahi maa pape e inu i te farii pape na'oe na," e ua na ô maira oia. "A inu e ta'u fatu, ma te pupu atu i te pita pape ua'na ra. I reira, ua ite atoa a'era oia i te mau kamela i te tiahaereraa, parau faahou ihora taua potii ra, i te na ô raa e, "E huti atoa hoi au nei i te pape na ta'oe na mau kamela. I reira, ua faai ihora oia i te mau farii pape na ratou ra.

E oaoa rahi hoi tei tupu i roto i te aau o te tavini o Aberahama na roto i te pahonoraahia o ta'na ra pure. Na roto hoi i te tautururaa a te Fatu ua roaa mai ia'na te vahine o tei tia mau ia Isaaka ia faaipoipo. Ua horoa'tura oia i taua vahine nei i te mau tapea anro, e e piti atoa hoi na haati rima, mai te ani atu e tamahine oia na vai? E o anei matou i te fare o to'oe na metua, ia taoto?

Ua pahono maira oia, "E tamahine au na Betuela a Mileka, ta'na i fanau ia Nahora. E maa hoi ta matou na outou, e e o hoi outou i roto i to matou fare ia taoto. E no te faahanahanaraa i te Fatu, ua iriti ihora te tavini o Aberahama i to'na ra taupoo, e ua haamori ihora i te Fatu.



I reira, ua horoa'tura Rebeka i to'na ra utuafare mai te faaite atoa hoi i te mau mea i tupu, e tae noa'tu i te mau tao'a i horoahia mai ia'na ra. Ua haere maira te tuaana o taua tamahine ra, i rapae no te fariiraa'tu i te tavini o Aberahama i roto i to ratou ra utuafare, i reira, ua afai maira oia i te maa na'na ra, e tae noa'tu i te aretu na te mau kamela. I reira atoa ihoa, ua afai maira Rubena, oia te tuaana no Rebeka, i te pape no te horoiraa i to'na ra tino, area o Rebeka ra te faaineine ra ia oia i te hoê airaamaa, i raro a'e i te tantururaa a te vetahi atu â mau vahine.

I te taime a ineine ai te airaamaa, ua parau maira taua tavini no Aberahama ra, eita vau e amu oioi i te maa hou to'u faatiaraa i te huru o te tere i faaauhia ia'u. Ua parau maira ratou, a faatia mai na. I reira, parau a'era ta'na vaha i te faatiaraa'tu i te opuraraa rahi a Aberahama no nia i te faaipoiporaa o ta'na tamaiti, i te hoê vahine o to'na iho fenua, mai te patoi atu i te faaauraa e te oro'a faaipoiporaa i te hoê vahine faaroo paruparu o Kanaana, e mea nafea atoa hoi oia, te tavini o Aberahama tonoraahia i te hoê tere no te paimiraa i te hoê vahine faaroo mau na Isaaka, e tae noa'tu i te mau tantururaa i fariihia e ana ra. I reira atoa, ua faaite atura oia i te huru o ta'na ra pure e te pahonora a te Fatu ua roto i te tiaturiraa papu i roaa mai ia'na e, ua riro mau o Rebeka ei vahine mau o tei faataahia e te Fatu na Isaaka ra. E farii anei ra Rebeka i taua mau faaauraa ra?

Paraparau ihora taua utuafare nei, e inaha, na roto i te hoê taime, na faaroomia ihora te hoê reo i te na ô raa e, "No ô mai ia Iehova taua parau nei, eita hoi e tia noa'tu ia parania te maitai e te ino. Inaha tera mai Rebeka i mua i to aro na, a aratai ei vahine oia na te tamaiti a to fatu ta Iehova i parau ra.

na R
Ruber
roto i
maira
hine t

i tiah
hoê fa
ratou.
taua t

maira
na ra,
i te m
ra te i
ra te
metua
te oao

T

hia m
reo Fa
Monsie

votre

de mes
mière
l'aide
daus

I muri mai, na afai maira taua tavini nei i te mau taoga na Rebeka, to'na metua vahine, e to'na atoa ra tuaana, o Rubena. I muri mai, ua faaineine ihora ratou i te hoi. Na roto i taua tere i faataahia e te tavini o Aberahama, ua hoi maira te mau hoa o Rebeka ia'na e tae noa'tu i to'na ra vahine utuntu.

I roto i to ratou haereraa e ia piri atu ratou i te vahi i tiahapahia e Aberahama, ua ite ihora Rebeka i roto i te hoê faaapu, i te hoê tamaiti api o tei haere atu e farerei ia ratou. No reira, ua ani atura oia i taua tavini nei, o vai ra taua taata ra, i reira ua pahono maira oia e, o Isaaka ia.

Ia tae a'era i te taima a piri atu ai o Isaaka, ua pou maira Rebeka na nia mai i te kamela, no te farereiraa ia na ra, e i reira atoa ihoa, ua tuatapapa atura taua tavini nei i te mau mea i tupu mai na roto i to'na ra tere. Ia oti a'e-ra te reira e na roto i te hoê taima poto, ua faatupubia ihora te oroa no to rana ra faaipoiporaa i roto i te tiahapa o te metua vahine o Isaaka o tei pohe a'enei, e i roto atoa hoi i te oaoa rahi o to'na ra metua tane.

PARAU RII API

Te Hoê Lata Haamauruuru no Le Secrétaire General.

I te 29 no Dicema, ua farii matou i te hoê lata papaihia mai e te Secrétaire General. Teie hoi te papairaa i te reo Farane:

Monsieur le President,

Je viens de recevoir le chèque de 5.000 dollars que votre Mission destine à l'Institut de Recherches des E.F.O.

Je vous prie de bien vouloir trouver ici l'expression de mes vifs remerciements à vous-même, ainsi qu'à la Première Présidence de votre Eglise à Salt Lake City, pour l'aide appréciable que vous apportez ainsi, encore une fois, dans la campagne entreprise contre la filariose.

Veuillez agréer, Monsieur le President, l'expression de ma consideration tres distinguée.

Pour le Gouverneur absent,
Le Secrétaire General p.i
Charge de l'expédition des affaires
courantes,

Th. Diffre

Teie hoi te papairaa i te reo Tahiti:
E te Peresideni e,

Ua farii a'enei au i te titeti moni no te 5,000 tara moni Marite, o tei horoahia mai e to outou Misioni, na te l'Institut de Recherches des E. F. O. (Mariri)

Te faaite atu nei au ia'oe ia farii mai oe, na roto i teie nei lata, i to'u mauruuru rahi ia'oe e oia atoa te Peresideni-raa Matamua no ta outou Ekalesia i Salt Lake City. (Roto Miti) no te tautururaa rahi ta outou i horoa mai i teie taime faahou a i roto i te mau ohipa i ravehia no te patoiraa i te ma'i Feefee.

A farii mai e te Peresideni i te tapao o to'u aroha.

Papaihia e Le Secrétaire Général

Te faaite atu nei matou to te Ekalesia nei i to matou mauruuru rahi no teie nei lata na Secrétaire General, e te tiaturi nei matou e itehia te mau ravea e faaorehia'i teie ma'i, i teie pae au moana. Ua mauruuru roa matou e oia atoa te Peresideni Matamua no te Ekalesia ia tauturu atu i teie ohipa maitai. Te pure amau noa ra matou ia manuia te feia faatere i ta ratou ra mau ohipa i roto i te matahiti apî nei.

To Tatoro Apisetolo.

Te hoho'a i nia i te apî matamua no teie vea, o Kimebera (Spencer Kimball) ia to'na i'oa. Oia ia te numera toru i roto i taua pupu Ahuru Ma Piti Apisetolo ra.

POU MOO Gérant et Imprimeur, Papeete, Tahiti.
